

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
ZAVOD ZDRAVSTVENOG OSIGURANJA
KANTONA SARAJEVO
Ložionička br.2, Sarajevo



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
КАНТОН САРАЈЕВО
ЗАВОД ЗДРАВСТВЕНОГ ОСИГУРАЊА
КАНТОНА САРАЈЕВО
Ложиониčka бр.2, Сарајево

Broj: 01-02-1- 6752 – 2 /26 – Dž.T.
Sarajevo, 24 -06- 2026

BOSNA I HERCEGOVINA
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
n/r Predsjedavajući, g. Elvedin Okerić
Reisa Džemaludina Čauševića 1
71000 Sarajevo

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 25-06-2026			
Organizaciona jedinica	Broj	Kada	Broj
01		04.24.273.208	

PREDMET: Odgovor na zastupničko pitanje zastupnice Sebije Izetbegović, dostavlja se

Poštovana,

Postupajući po zastupničkom pitanju zastupnice u Skupštini Kantona Sarajevo, gospođe Sebije Izetbegović, koje se odnosi na nabavku citostatika za potrebe osiguranih lica sa područja Kantona Sarajevo, a u okviru nadležnosti i podataka kojima raspolaže Zavod zdravstvenog osiguranja Kantona Sarajevo, dostavljamo sljedeće odgovore:

Prije svega, potrebno je ukazati da je Odluku o prioritetnom programu lijekova koji se koriste u terapiji kod onkoloških pacijenata na području Kantona Sarajevo („Službene novine Kantona Sarajevo“, br. 39/24, 48/24, 20/25, 52/25 i 8/26) donijela Vlada Kantona Sarajevo, kao nadležni organ za utvrđivanje obima prava, uslova i načina ostvarivanja prava na lijekove obuhvaćene predmetnim Programom. Navedenom odlukom Zavod zdravstvenog osiguranja Kantona Sarajevo zadužen je za planiranje, obezbjeđenje i finansiranje sredstava potrebnih za realizaciju Programa, kao i za njegovu primjenu u skladu sa odredbama navedene odluke.

U odnosu na pitanje broj 1., koje se odnosi na instituciju nadležnu za provođenje postupka nabavke citostatika za potrebe pacijenata u Kantonu Sarajevo, obavještavamo da je članom 5. Odluke o prioritetnom programu lijekova koji se koriste u terapiji kod onkoloških pacijenata na području Kantona Sarajevo („Službene novine Kantona Sarajevo“, broj 39/24) propisano da JU Apoteke Sarajevo obezbjeđuju citostatike za potrebe pacijenata sa područja Kantona Sarajevo.

U odnosu na pitanje broj 2., koje se odnosi na postupak koji se primjenjuje prilikom nabavke citostatika, ističemo da Zavod zdravstvenog osiguranja Kantona Sarajevo nije subjekt koji provodi postupke nabavke citostatika niti raspolaže podacima o vrsti pojedinačnih postupaka nabavke koje provode subjekti nadležni za njihovo osiguravanje i nabavku. U okviru svojih nadležnosti Zavod obezbjeđuje finansijska sredstva za realizaciju Programa, dok se nabavka i snabdijevanje lijekovima vrši od strane za to nadležnih subjekata u skladu sa važećim propisima.

U odnosu na pitanje broj 3., koje se odnosi na podatke o veleprometnicima od kojih je vršena nabavka citostatika u protekle dvije godine, obavještavamo da Zavod zdravstvenog osiguranja Kantona Sarajevo ne raspolaže navedenim podacima.

U odnosu na pitanje broj 4., koje se odnosi na izvore finansiranja nabavke citostatika, obavještavamo da se, u skladu sa članom 4. Odluke o prioritetnom programu lijekova koji se koriste u terapiji kod onkoloških pacijenata na području Kantona Sarajevo, nabavka citostatika finansira iz sredstava Zavoda zdravstvenog osiguranja Kantona Sarajevo.

U odnosu na pitanje broj 5., koje se odnosi na iznos sredstava izdvojenih za nabavku citostatika, obavještavamo da je za navedenu namjenu u 2024. godini izdvojeno 1.777.904 KM, dok je u 2025. godini izdvojeno 16.067.089

Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,

Depozitni račun broj: 154-921-2014617245, Glavni transakcijski račun broj: 154-921-20146171-48,

Transakcijski račun broj: 132-020-20293671-18

Transakcijski račun broj: 306-000-32712158-45

Tel. +387 33 72 52 00, +387 33 72 52 07, Fax +387 33 61 86 14

e- mail: info@kzzosa.ba kabinet@kzzosa.ba



KM. Također, Odlukom o izmjenama i dopuni Odluke o prioritetnom programu lijekova koji se koriste u terapiji kod onkoloških pacijenata na području Kantona Sarajevo („Službene novine Kantona Sarajevo“, broj 52/25), Zavod je zadužen da za 2026. godinu planira sredstva za nastavak finansiranja Programa u iznosu od 25.000.000,00 KM.

U odnosu na pitanje broj 6., koje se odnosi na kriterije raspodjele citostatika, obavještavamo da se raspodjela vrši u skladu sa Odlukom o prioritetnom programu lijekova koji se koriste u terapiji kod onkoloških pacijenata na području Kantona Sarajevo, njenim izmjenama i dopunama, kao i ugovorima zaključenim radi realizacije Programa. Pravo na korištenje lijekova ostvaruju osigurana lica koja u momentu uključivanja u terapiju imaju kontinuirano zdravstveno osiguranje u Kantonu Sarajevo u trajanju od najmanje šest mjeseci i koja se nalaze na Listi čekanja Federalnog zavoda zdravstvenog osiguranja i reosiguranja duže od 30 dana, osim u slučajevima kada postoje medicinski opravdani razlozi za ranije uključivanje u terapiju.

Također, predmetnom Odlukom propisano je da ministar zdravstva Kantona Sarajevo formira stručnu komisiju koja prati realizaciju Prioritetnog programa lijekova, dostupnost lijekova za liječenje onkoloških pacijenata, predlaže uključivanje novih lijekova na listu, kao i uključivanje novih pacijenata kojima je potrebna ova terapija. Slijedom navedenog, kriteriji uključivanja pacijenata u Program, praćenje njegove realizacije, kao i stručna evaluacija potreba za proširenjem obuhvata korisnika i lijekova, vrše se kroz mehanizme uspostavljene navedenom Odlukom i putem stručnih tijela formiranih od strane Ministarstva zdravstva Kantona Sarajevo.

U odnosu na pitanje broj 9., koje se odnosi na sistem praćenja dostupnosti citostatika i upravljanje eventualnim nestašicama, obavještavamo da se na sedmičnom nivou Zavodu dostavljaju podaci o kandidatima za uključivanje u Program, nakon čega Zavod vrši provjeru ispunjenosti propisanih uslova i izdaje odgovarajuće saglasnosti. Lijekovi se naručuju za konkretnog pacijenta za kojeg je izdata saglasnost, čime se osigurava namjensko korištenje sredstava i potpuna sljedivost terapije. U slučaju prestanka medicinske indikacije ili uključivanja pacijenta u program Federalnog fonda solidarnosti, lijekovi se preusmjeravaju drugim pacijentima koji ispunjavaju propisane uslove.

U odnosu na pitanje broj 10., koje se odnosi na mjere koje se preduzimaju radi osiguranja kontinuiteta terapije, obavještavamo da naručivanje i distribuciju lijekova vrši JU Apoteke Sarajevo. Parenteralni lijekovi distribuiraju se putem Kliničke apoteke Kliničkog centra Univerziteta u Sarajevu, dok se peroralni oblici lijekova izdaju putem Apoteke Koševo. Svi lijekovi se naručuju i evidentiraju na ime konkretnog pacijenta, a prema podacima kojima raspolaže Zavod zdravstvenog osiguranja Kantona Sarajevo, od početka realizacije Programa do danas nije bilo problema u isporuci lijekova koji bi uzrokovali odgađanje liječenja pacijenata. Kontinuirana saradnja svih učesnika u realizaciji Programa omogućava pravovremenu dostupnost terapije osiguranim licima sa područja Kantona Sarajevo.

S poštovanjem,

Po ovlaštenju Direktora

Stručni savjetnik za zastupanje i poslove ugovaranja



Dostaviti:

- Naslovu;
- Direktor;
- Službi pravnih poslova;
- Odjeljenje za javnost rada, pozivni centar i EZK;
- a/a.